

壺社詩草

亨

(2)

壺社草
第八

重九過蔡忠惠故居

關佛心

蔡宅

名今村

在城南距城不五里君謨退隱時故居昔

在此遙遙憶公千載餘焚香讀公三諫書三百六丈

萬安渡七百里松蔭行路言滿天下一時正澤及百

世今猶故昔日林父軒立馬公之門低徊不忍去道

南開淵源余生父軒後茲來適重九蔡村空留名故

居已無有有祠在村左有坊臨官道款容瞻遺像臨

風足傾倒壺山巍巍秋日白寒鷹戾天不盈尺離別

黃菊猶未花欲寄秋心而秋多

陳又名

重陽選勝此經過太息荒居長薜蘿當代人多附門
闕頻年地苦擾兵戈三章諫草傳留遠一路喬松底
陰多今日高山空仰止黃花對飲愧蹉跎

宋幼石

年年重九節松蔭惠清涼
每年重九祭掃先祖諱事公墓路經蔡宅必下與小
悲到處懷遺澤通家借末光
宴明諱事宅公過從甚密

紫謝宋大方詩有齋
荔品廣平堂廣平祠有古荔一株名宋香唐
鮑從客接宴中由
時物也詳見公由
所著荔支譜中今夕無風雨題詩當解香

宋棋石

強步隨人好杖藜登高道出薇塢西依山結屋村如
畫勒石臨歧路不逢祠宇端明長官報輜軒太史舊
留題戴學使曾題贈一聯萬安松樹吾家荔子澤沅傳孰與齊

陳斗生

佳篇登臨從古易海時艱業幾人題短碑夕照歸雲

道落木前邨間野想地僻猶傳三諫草風高遠憶萬
安潮壺山蘭水知環繞故道遺音不寂寥

林東川

重陽擬上鳳凰巔散步經過蔡宅邊繞屋荔林應入
花人松樹欲參天常將諫草扶雙闕能使夷酋識四
賢渺渺長橋三百丈巍巍華表一千年故家翰墨誰
知寶異代孫曾半力田落莫荒村今昔感歸來獨立
菊花前

蕭敦甫

領略重陽景經過蔡宅村鳳凰山麓近忠惠里居存
華表星霜壽同堂俎豆尊立朝談慶曆卜葬指清源
陳迹流傳在先賢仔細論吟寒蟲刺促尋宿鳥飛翻
林葉喧幽徑廚煙出古垣萊蕪疎磬上眺望惜黃昏

林銳之

策蹇出南郭行行可五里微聞萊蕪香更愛風日美
蔡公有故居人遠室則邇村舍繞桑麻歷歷猶可指

南郊戎馬地，弄哭雜狼豕。蔡宅幸無恙，安居良足喜。
自昔鄭公鄉，黃巾不敢止。蔡公抱道士，千載可比擬。
昔公居諫垣，能邪等擗手。迄今讀諫草，得車愧吮痔。
昔公知泉州，遺愛不勝紀。長虹三百丈，橫海半如砥。
公有居士集，千金已付梓。文興廬陵匹，詩得風人旨。
公尤工弄翰，自視本小技。荔譜與茶錄，一代駕蘇米。
採風光邑乘，大名垂國史。莆中有二蔡，昔聞相對峙。
公相安在哉，但傳潭州死。曾無釣遊處，長令子孫恥。

祇今莆陽蔡志從端明始我來連重九登高等閒耳
摩挲道傍碑徘徊陽裏因之據遠情天末秋風起

鄭笑白

蔡公村前秋草黃楓葉瑟瑟凝秋霜古祠寂寞掩夕
陽瞻仰畫像何端莊三諫遺草吐光芒萬安橋上頌
聲長為譜墨蹟留餘香千秋千澤爭收藏豐碑紀實
非鋪張讀罷轉為身世傷陋巷不合貢明堂且向東
離傾一觴獨對黃花賞孤芳漣巾擬學淵明狂

溫少山

佳節黃花候行過學士坊村迷甘蔗裏祠指荔枝傍
舊跡懷文藻寒林渡夕陽智淵墳墓近忠節西流芳

游介園

老木蕭疎葉半黃秋容冷淡蔡公鄉當年杖履逍遙
地千載山川日月光吟社轉添英會感書名爭似荔
支香兒孫俎豆尋常事遺愛頭看跨海梁

壺社諸君重九訪蔡忠惠故居有詩見示

林西園

兒時踏春過南陌
父軒墓外君謨宅
尋常走馬一白
無那解吊古吟烟
燕詩人能載登高
酒忠惠坊前度
重九擎泉薦菊剛
及時定向故址傾
一卮醑餘南郭
無完土過客猶談
茶荔譜繞村萬荔
作秋聲樹聲詩
聲相與鳴九日
作詩我在客華顛
夢對南山色
壺社同人重九過蔡忠惠故居有詩見示

黃祖漢

有宋一代多賢菴討志來皆可傳蔡公君謨亦傑
出吏事文章冠當年洛陽建橋便朝涉五塘復古制
民田官齋無事倡風雅試茗日取龍腰泉茶香與
江家綠荔枝有譜手自編平生風趣如此身雖為吏
骨則仙至今祠宇隱南陌十畝古木羅雲煙通旁石
坊遍蒼蘚過者駐足都留連而況詩人最好古懷古
又在重九天茱萸酒盡吟興動藉草一索可百篇蔡

公九原應相許詩人與彼如有緣愧予覓食未得返
異地登高空放顛明年重九會有日更約同社分一
箋

壺社同人重九過蔡忠惠故居

陳翼才

忠惠昔遊山留字壺源石一石數百年神鬼護遺迹
我來直重九拂藓發嘆息何期故鄉人遙遙有同癖
九日行南郊一訪先生宅寒泉酌自薦秋菊手自摘
遙知天際雲靄靄出巖壁遙知山頭日暉暉穿林隙

詩意用公 弔古誦遺詩秋聲正淅淅

前秋草題第十五首起句深秋風景最淒涼一律
係林東川所作誤入溫少山詩中應請改正

壺社章
第九

